



12. April 2024

Inatsisartut suleriaasianni § 37 imm. 1 naapertorlugu Naalakkersuisunut apeqquteqaat imaattoq matumuuna saqqummiuppara.

Naalakkersuisunut apeqqutit:

1. Kalaallit Ilinniarsimasut nunatsinni suliffeqarnikkut aaqqissuussaasumik atorluarneqarnissaannik Naalakkersuisut siunertaqarnerlutik?

1a. Pilersaaruteqartoqarpat tamanna qanoq pilersaaruteqarfigineqarpa?

2. Piginnittuunermut politikkip ingerlanneqarnerani ingerlatseqatigiiffinni kalaallit ilinniarsimasut aaqqissuunneqarlutillu atorluarneqarnissaannut aaqqissuussamik pilersaaruteqartoqarpa?

4. Allanik Naalakkersuisut qulequttamut ilassutissaqarpat?

(Inatsisartunut ilaasortaq Najaaraq Møller, Siumut)

Tungavilersuut:

Uani qinigaaffimmi Naalakkersuisooqatigiit pilersinneqarmata Naalakkersuisup Siulittaasuata oqariartuutaa ersarippoq kalaallit nunaminni isiginnaartuuginnaratik nunaminni ingerlatseqataassasut oqartussaaqataallutillu, taamattaaq inersuarmi Naalakkersuisup Siulittaasuanit oqariartuutigineqarpoq piginnittuunermut politikki ilutigalugu kaajallaasitatut ittumik kalaallit suliffeqarnikkut atorluarneqarnissaannut tunngasumik pilersitsisoqassasoq, taamaattumillu suliniutit taakku Naalakkersuisut Siulittaasuannik ingerlanneqartussatut oqariartuutigineqarsimasut sumut killinnerannik paasinnikkusuppunga.

Apeqqutigineqartut ullut suliffiusut qulit iluanni akeqquneqarput.